

[RRC/MCVR]

Na sala de comisións “Otero Pedrayo” do pazo Parlamento de Galicia reúnese a **Comisión Permanente non Lexislativa de Control da Corporación RTVG**, o día **13 de decembro de 2024**, ás **10:35 horas**, logo da convocatoria remitida para o efecto.

Asisten as persoas que se relacionan a seguir:

Mesa:

Raquel Arias Rodríguez
(Presidenta)
Enrique Barreiro Sánchez
(Vicepresidente)
Alexandra Fernández Gómez
(Secretaria)

Vogais:

Grupo Parlamentario Popular de Galicia (P):

Victor Manuel Baladrón Lamas
Cristina Campero Dorado
Juan Manuel Casares Gándara
Jesús María Fernández Rosende
Miguel Fidalgo Iglesias
(en substitución de Paula Mouzo Mas)
Carmen María Pomar Tojo
Ángel Rodríguez Conde

Grupo Parlamentario do Bloque Nacionalista Galego (BNG):

Daniel Castro García
Mercedes Queixas Zas
Olalla Rodil Fernández
Iago Suárez Fernández

Grupo Parlamentario dos Socialistas de Galicia (S):

María del Carmen Rodríguez Dacosta

Comparecente:

Director xeral da Corporación Radio e Televisión de Galicia– CRTVG

Letrada:

Raquel Rodríguez Carro

A presidenta abre a sesión e rógalle á secretaria que lle dea lectura á relación de membros titulares da Comisión para os efectos de comprobar a existencia de quórum de constitución. Logo da constatación deste, éntrase no desenvolvemento da orde do día obxecto desta sesión.

Punto único. Preguntas

- 1.1 8095 (12/POC-001463)**
Grupo Parlamentario dos Socialistas de Galicia
Longueira Castro, Silvia e 3 máis
Sobre determinadas cuestións relacionadas coa elaboración dunha nova lei de medios de comunicación e os cambios que esta pretende incorporar, nomeadamente no relativo ao sistema de elección do director ou directora xeral da CRTVG e á emisión de producións en castelán
Publicación da iniciativa, BOPG n.º 70f2, do 23.08.2024

A **señora Rodríguez Dacosta, María del Carmen (S)**, dá contas das razóns que levaron ao seu grupo á formulación desta pregunta, expresándose en termos semellantes aos publicados no BOPG anteriormente subliñado.

En representación da Xunta de Galicia intervéñen o **señor director xeral da Corporación Radio e Televisión de Galicia, Alfonso Sánchez Izquierdo**, que considera que esta pregunta non debería ir dirixida a el, pois entende que non pode incorrer en competencias que non lle corresponden, e espera que non se tome coma unha descortesía, pero coida que non é o momento e lugar para poñer de manifesto a súa opinión.

Na rolda de réplica a **señora Rodríguez Dacosta, María del Carmen (S)**, lamenta a intervención do señor Sánchez Izquierdo e que, como director, xornalista e docente, indirectamente xustifique un texto que vai contra a praxis democrática á hora de expoñer a información.

O **señor director xeral da Corporación Radio e Televisión de Galicia, Alfonso Sánchez Izquierdo**, pecha o debate da iniciativa rebatendo as argumentacións da señora deputada, pois considera que non se axustan á realidade.

- 1.2 14697 (12/POC-002303)**
Grupo Parlamentario do Bloque Nacionalista Galego
Rodil Fernández, Olalla e 4 máis
Sobre a conflitividade orixinada na CRTVG entre a dirección xeral e o persoal da Corporación
Publicación iniciativa vía urxencia, BOPG n.º 123, do 27.11.2024



Intervén a **señora Rodil Fernández, Olalla (BN)** para expresar os motivos nos que se basean as cuestións concretas que se conteñen na iniciativa e que aparecen publicados BOPG anteriormente subliñado.

Para a súa resposta intervén por parte da Xunta de Galicia o **señor director xeral da Corporación de Radio e Televisión de Galicia, Alfonso Sánchez Izquierdo**.

Na rolda de réplica a **señora Rodil Fernández, Olalla (BNG)**, amosa a súa insatisfacción e preocupación ante a información recibida e insiste no tema obxecto de debate con novas consideracións ao respecto.

O **señor director xeral da Corporación de Radio e Televisión de Galicia, don Alfonso Sánchez Izquierdo**, pecha o debate desta iniciativa puntualizando a súa intervención anterior e engadindo novos datos.

A Presidencia agradécelle ao señor Sánchez Izquierdo a súa presenza e colaboración cos traballos da Comisión, así como ao persoal da Cámara polos servizos prestados.

Remata a sesión ás 11:30 horas.

Alexandra Fernández Gómez
Secretaria da Comisión

V. e pr.
Raquel Arias Rodríguez
Presidenta da Comisión